

D. D.
DISSERTATIO GRADUALIS,
DE
CARENTIA
JURIS
IN BESTIIS,
Quam, ex auctoritate Ampl. Facult.
Philosoph. Reg. Acad. Aboënsis,
PRÆSIDE,
VIRO CL.

Mag. ALGOTHO
A. SCARIN,

Hæg. & Philos. Pract. Prof. Ordin.

Pulico eruditorum examini
modeste subjicit
S:Æ R:Æ MAJ:115
Alumnus,

JOHANNES NYLANDER

O. Botniensis,

In Auditorio Maximo d. xv. Calend.
Julii, MDCCXXIV.

ABO:Æ, Impress. E. Flodström, Reg.
Acad. Typogr.

S:Æ R:Æ MAJ: TIS
MAGNÆ FIDEI VIRO,
PÆDESTRIS MILITIÆ GENERALI
MAJORI,
Et per Provinciam Aboënsen: nec
non Biörneburgensem & Alandæ
Præfectoras
GÜBERNATORI,
PERILLIUSTRI atq; GENEROSISSIMO
BARONI AC DOMINO,
DN. OTTONI
REINHOLDO
UXKULL,
MÆCENATI MAGNO.



llerant alii asyla , quorum lati-
bulis animum virtutibus vidua-
tum abscondant ; querant ju-
stia

stitionemque splendide mentiri. In,
TE, GENEROSISSIME Dn. BARO, admiracione suspensi Trigam virtutum Nobilissimorum suspicimus omnes. TE, enim, sacrationibus ex aris thura DEO gratissima pie offerentem; TE, ex aequo & bono jura justitiamque distribuentem; TE, comitate obvium, & omnia humani ingenii officia promiscue impertientem etiam ille, quos ab alloquio Tuo in praesens usque verecundia prohibuit, latissima prædicatione circumferunt; Praesertim, qui ILLAM in amplificanda dignitate rei literaria in hac gente nostra promissimam animi benevolentiam experimur Musarum Alumni. Hæc gratia allicit, Iuadet III Reverentia, ut ILLIM genium sibi propitiare, ILLISq; se subdere oculis, sustineant pagelle nostræ. Nudæ sunt, submisse fateor, nec quidquam habent, quod adportent: quippe infausto natæ sidere; minime tamen Kerno Bacchico similes. Gratiā ab auspiciatissimi Nominis III Splendore sibi conciliare cupiunt mihique, qui, quod me non plane indignum existimaveris, quem rudimentis nobilissimi Filii III præficeres, mitioris fortunæ auspicio

euum perpetuo habiturus sum. Accipe ergo, PERILLISTRIS Et GENEROSISSIME Dn. GUBERNATOR, perpetuae pietatis tessera, accipe signum animi devotissimi, levidense & obscurum munusculum meum, qui, ut TE, post DEum & Regem, gentis nostræ Præside, pristinæque incolumentis propagatore benignissimo diu frui contingat, unanimi cum ceteris Provincialibus prece atq; voto cœlestè Numen fatigare nunquam intermittam

PERILLISTRIS & GENEROSISSIMI
BARONIS ET GUBERNATORIS

Devotissimus cultor,

JOHANNES NYLANDER.

EPIGRAMMA:

Dissertationi Eruditæ
De Jure Bestiali,

Clarissimi Domini CANDIDATI

JOHANNIS NYLNDRI;

Bestia jure caret: recte Clarissimus Auctor
Infert ex factis, quod ratione
carent.

Bestia sic expers mentis, juris,
rationis.

O! quam, ut sit nobis bestia
multa, facit!

Eximie semet, bruto hoc exemit
acervo;

Mente colens recta jura, fide-
que DEum.

In pignus amicitiae apposuit
DAN. JUSLENIUS.

In
Egregium Mελέτημα
Dr. JOHANNIS NYLANDER,
Candidati Philosophiae Clarissimi,
De Carentia Juris in Bestiis,
Pro honoribus Magisterii publice Di-
sputaturi, votiva adclamatio.

Quo ruit impetuofus fervor & insita
virtus?
Define: nonne potes sistere, amice, gra-
dum?
Esra suggestum felix qua splendidiorum
Vena modo pinxit, nescit habere mo-
dum?
Perge, nec invideo: sollertia monstrat an-
bela
En! Tibi præclaras mentis inesse do-
tes.
Ipse puer quondam spondebas talia, qua
jam
Pulcrim exornas, non nisi digna vi-
ro.

Bestia quid? nisi mente carens, nisi juris
Et impos?

Explicat hoc tua mens ingeniosa fac-
tis.

Hinc precor, egregii cedant feliciter ausus!
Unde vel adplaudet Botnia nostra Tibi.
De meritis capias Tibi pro virtute parata
Præmia larga satis! Laurea lambet
Comam!

Animo quam calamore
prolixiore depropere-
bat occupatissimus.

JOH. SIPELIUS
O - Botniensis,

• 60 •



CAPUT PRIUS.

- §. 1. In originem & fontem juris bestialis inquirit.
- §. 2. Vocabulum juris ab homonymia liberat, ejusque propriam & genuinam notionem ostendit.
- §. 3. Brutis definitionem sacris & profanis scriptoribus probatam tradit.
- §. 4. A Rationis carentia in genere ad juris carentiam in bestiis argumentatur.
- §. 5. Natales juris naturalis investigat.
- §. 6. Intellectus in brutis absentia defectum juris arguit.
- §. 7. Libertatem & spontaneitatem in subjecto legis capaci necessariam docet.

A

§. 8.

§. 8. Quemadmodum ad bruta non
finis Legum; ita neque lex ipsa
proprie pertinet.

§. I.



quantam absurditatum pestilentissimorumque dogmatum molem secum traxerit, opinio nonnullis antiquorum celebrata, de anima universi, cuius reliquias animas, particulatas quasdam esse docuerunt ejusdem naturae in se; sed diversas edere operaciones, prout in diversa inciderint corpora, organaque dires suas exserendi sortit effuerint, (a) sint exempli loco adducti veteres & recentiores juris bestialis propugnatores. Utut autem hæc perversa opinio jam diu apud Christianos explosa sit,

de-

(a) Puf: in J, N. & G. l. 2. c. 3. §. 2.

debitam veritati lucem affundente
 S. litterarum phosphoro; exstiterunt tamen alii, qui instinctu ne-
 cio cuius genii liberis hominum
 motibus rationis communitatem
 non tantum; sed etiam juris ho-
 mini cum bestiis adstruere cona-
 ti sunt, tot errorum involucris
 torque absurditatum mæandris se-
 le involventes, ut in viam veri-
 tatis, a qua deflexerunt, vix ac-
 ne vix quidem redire queant. Adeo ut non præter meritum Chryso-
 stomus apud *J. A. Osiandrum* (b) dixisse videatur: *Per Philosophos hoc semper*
egit diabolus, ut ostenderet nostrum ge-
nus nibil a brutis differre, quando
nionnulli in opinionem tam absurdam
venerunt, ut animalia rationis exper-
tia, ratione prædicta esse dicerent. Li-
 cet neq; negandum hujusce dogma-
 tis absurditatem, meliora saniori-
 bus gentilium judicia identidem
 exprefisse. Sufficiat adduxisse He-

fiendum, quem paulo ante Olympiadum primordia vixisse contendunt eruditii: ita enim ille (c)

Tὸν δὲ γὰρ ἀνθρώποισινόμον διέταξε

Κρονίων,

Ιχθύος μὲν, καὶ θηρῶν, καὶ οἰκανοῖς

πετεεινοῖς,

Εσθειν ἀλλήλας, ἐπεὶ δὲ δίκη εἴσιν ἐπ'
ἀνθράκας.

Ανθρώποισι δὲ ἑδωκε δάκρυν, οὐ πολ-
λὸν αἰρίσῃ

Γίνεται.

Nobis quoniam altero hoc publicæ dissertationis specimine pro modulo virium nostrarum propositum est ostendere bestiarum incapacitatem ad possessionem juris naturalis legumque, etiam atque etiam TE C. L. rogatum volumus, digneris conamina nostra benigniori Tuo beare judicio.

§. 2.

(c) in O. & D.

§. 2.

Essemus omnino digni, qui ad Anticyras mitteremur, helleboro diu purgandi, si non via confusione primum præcisa, demum ipsam materiei tractationem aggrederemur. Ne vero Lectori tædium curiosius in ὀνοματολογίᾳ inquirendo pariamus, hoc saltem in antecessum observatum volumus, quod vocabulum *juris* in præsenti neque objective de bestiis sit intelligendum, quatenus bruta objecti, in quod operatio juridica exerceatur, rationem habent, ut in ea jus aliquod, modis in jure determinatis adquirere, siveque nostris rebus privatim annumerare possimus: hoc namque respectu jus omnibus rebus competit, sive sint animatæ, sive inanimatæ, modo commercio humano non exemptæ. Quippe illa est conditio hominis, ut ejusmo-

di rebus ad sustentationem vitæ præsentis, & communionem contra ea, quæ ipsius corporis compaginem destructum eunt, indigat: (d) Neque omnino jus nobis improarie sumitur, ita ut denotet inclinationem ad amplectendum & averlandum ejusmodi aëtus, qui ad conservationem vel destructionem naturæ tendunt; quemadmodum illi accipere videntur, qui jus Naturæ dicunt, quod natura omnia animalia docuit. Solam ergo nos directivam & normalem agnoscimus notionem, accepto jure proprie & in rigore suo, quatenus significat regulam atque normam actionum moralium.

§. 3.

His ita prælibatis, inquirendum jam est, an bestiæ ejusmodi perfectionibus gaudeant, quarum
re-

(d) Conf. Puf. in O. h. &c. l. t. c. 12.

respectu illæ etiam juris capaces
vere nuncupari possint? quippe, si
iisdem destituantur, incasum
quoque in quærendo jure apud
ipfas laboratur. Neq; ipse Sanctissi-
mus Legislator operis sui hominum
puta, judicia effugeret sinistra, si feris-
jura præscripsisset, quas ad eorum
comprehensionem prorsus inha-
biles condidisset. Retinemus igitur
atque cum veneratione amplecti-
mur bruti definitionem sacris pa-
riter atque profanis scriptoribus
decantatissimam: quod sit *animal*
irrationale, siquidem hæc defini-
tio perfectionem a Logicis requi-
sitam obtinet: constat enim con-
ceptu communi & contrahibili,
legitimis, quibus vera definitio absolu-
vitur. Hoc autem ipso, quo be-
stiæ irrationales nuncupantur si-
cūt & vere sunt, & quidem in
oppositione ad homines rerum
intelligentiam habentes, indigita-

tur brutis non inesse principium operationum , sive illud animæ , sive alio quopiam nomine veniat , rationale. Sive enim principium habent actionum suarum internum substantiale & materiæ oppositum , id quod veterum Philosophorum plurimi statuerunt : sive ex structura , connexione & motu materiæ actiones suas producant bruta , quod recentioribus probabilius videtur , neutra nobis officit sententia . Non *illa* , quia irrationalis anima , cujuscunque conditio-
ni , sit atque indolis , ex necessitate naturæ indita , legis capax esse non potest . Nendum *haec* , quæ omnem ad recipiendam legem , etiam speciem capacitatis in subje~~c~~to removet . Nempe materiæ conditione perpetuo inhabili ma-
nente ad accipiendam normam : quæ aptitudinem & quandam con-

convenientiam recipientis & rei
receptæ, adeoque motum voluntatis ab ipsa excitatum, flexibilem & indifferentem requirit.

§. 4.

His ita positis, certe rationis carentia juris quoque carentiam in brutis arguit. Adeo enim necessaria connexio inter rationem & jus naturæ intercedit, ut non nisi sola mentis operacione discerni queant; siquidem posito uno, ponitur & alterum, ac vice versa, sublato uno, tollitur & alterum. Non imus, hoc adserto, in eorum sententiam, qui jus naturæ ex ratione derivatum eunt, adeoque rationem matrem juris naturalis statuunt, sed hoc tantummodo dicimus, quod, postquam Deus constituit hominem creare rationalem, etiam lege eum imbuere decreverit; legisque

munere instructus, creatus quoque sit cum rectitudine rationis. Non enim potuit DEus hominem secundum eam, qua nunc gaudet, naturam, indolem atque conditionem consideratum in statu omnimodæ libertatis omnique lege soluto creare. Quemadmodum autem bruta DEus rationis experitia creavit, quod a nobis supra evictum est; ita indubiæ veritatis est jus in ipsa non posse cadere, quamdiu vulgato Philologorum canoni sua veritas constabit: Sublato subiecto, tollitur & adjunctum.

§. 5.

ACcuratius rem pensitantibus clarum evadit, jus Naturale natales suos debere imagini divinæ, atque sic adhuc in statu lapsus aliquid dicere de illa, prout imago divina accipitur, nimirum insen-

sensu ecclesiastico & denotat ejus quasdam reliquias, seu aliquod superstes lumen veri, semenque boni. Prout autem in sensu Biblico vox ista usurpatur, sive quatenus justitiam & sanctitatem veritatis denotat, naufragium ejus totale factum esse, ostendit tum profundissima corruptio, quæ lapsum fuit infecuta, tum sacræ docent pandectæ. Mulos autem atque assinos ad imaginem Creatoris fusisse conditos, an quis adserere vel cogitare audeat, ego quidem valde dubito. Ergo etiam hoc esse validissimum argumentum ad arcendam legem naturalem a brutis, facile mihi persuaderi patior. Proinde sic argumentor: Quæcunque non participarunt de imagine divina, in illa jus naturæ non cadit, jam sublumo: atque bestiæ non participarunt de imagine divina, ergo jus naturæ in illo.

illas non cadit. Connexio majoris ex supra dictis manifesta est; minorem nemo negabit, cum ejus veritas stabit inconcussa usquedum probatum fuerit, etiam bestias ad imaginem DEI sanctissimi ac immortalis creatas fuisse. Positis ergo his, conclusio in dubium revocari non potest, quemadmodum & nunquam debet.

§. 6.

UT quis legum vinculo constringi queat, & ad obligacionem recipiendam aptus sit, requiritur, ut is tam legistatem, quam legem cognoscere, & lese in diversas partes flectere, adeoque ad normam componere possit: alias enim omnis labor & industria in formanda & ferenda lege frustranea esset; vixque legislator foedissimam tyrannidis maculam effugeret, qui actus in lege

lege prohibitos, quorum, propter omnimodam incapacitatem subje-
cti, nulla in subditos notitia ve-
nire potuit, in pœnam imputaret.
Potentia cognoscendi voluntatem
legislatoris bestias carere, & o-
mnes confiteri necesse habent, &
abunde docet ipsa earum natura.
Et ex hoc dignitas hominis præ bru-
tis maxime elucet, quod iste nobilis-
sima prædictus est anima, quæ & in-
signi lumine circa cognoscendas & di-
judicandas res pollet (e). Cum ve-
ro hæc potentia, intellectus ni-
mirum, sit animæ rationalis fa-
cultas, & quidem ita illi pro-
pria, ut nullo modo tanta vis pe-
netrandi res abditas abstrusissimasq;
naturæ irrationali possit compe-
tere, non possumus non illam de-
negare brutis, quandoquidem jam
dudum evictum, ejusmodi for-
ma ipsa non esse instructa. Non

equi-

(e) Puf. in J.N. & G.L. 1. c. 3. §. 1.

equidem inficiamur bruta sensibus objecta rerum apprehendere; verum in praesentia objectorum semper sit hec apprehensio mere naturaliter ex parte potentia, posita sufficienti specie ex parte objecti (f). Adeoque non omnem sensum, certe non quatenus ille motus corporeus est, & ex objectis in cerebro oritur, denegamus bestiis; sed tantum secundum & tertium gradum, & quatenus sunt perceptio mentis atque judicium, quod occasione motuum organicorum, qui primum gradum constituant, efformamus. Ergo ut cognitione cognoscant reflexa, cognita examinent, dijudicent, ad se applicent, & quid suarum sis partium, & quid voluntas superioris exigat, distincte intelligant, illud in ipsarum potestate non est. Agunt itaque impetu, non consilio. Impetu inquam, non cocco

5

(f) Svaretz apud Ofiand.

Et fortuito; sed ad actiones cuiusvis
animantis naturae Et conservationi ac-
commodatas per instinctum naturalem
divinitus directo (g).

§. 7.

SUPRA innuimus, ut subjectum
aliquod legum obligationisque
capax sit, requiri, ut in diver-
sus partes flexible, adeoque ad
normam se componere possit.
Seu ut clarius loquar, subjecto
legum debet inesse talis voluntas,
a qua habeat, ut sponte agat, h. e.
ut non per intrinsecam necessita-
tem ad agendum determinetur,
deinde, ut libere agat, h. e. pro-
posito uno objecto, possit agere
& non agere, idemque eligere
vel respuere, agere hoc vel alio
modo. Utramque, tam sponta-
neitatem, quam in agendo liber-
tatem in subjecto, si alias legis

&

(g) Wernb. Diff. de B. E. L. §. 4.

& obligationis capax censeri queat, requiri, nemo, nisi ex trivio barbarus, facile inficias ibit. Frustra enim illi commissio vel omissione actus alicujus inculcatur, cuius vires per naturam ad uniformem agendi modum sunt alligatae, quique urgente intrinsecā vi in alterutrum oppositorum necessario fertur. Nam si naturam & conditionem brutorum paulo intimiusscruteris, animadvertes, impetu naturali, velut pondere quodam, in objecta trahi, ut non possint non ceteris paribus, ea vel prosequi, vel aversari, nullus consilio, nullus electioni locus (b). Ergo bestiarum, sunt verba Pufend. (i) libertatem, intrinsecum & morale vinculum haud quidquam imminuit; sed exterior motus per hominum violentiam sepissime coercetur. Vere ergo Basil. Seleucus (K) Animantium genera

ra

(b) Cit. Diff. §. 6.

(i) in J. N. & G. l. 2. c. I. §. 4.

(K) in Orat. III.

ra fabricans Conditor immobilibus na-
turæ legibus adstrinxit; neque ipsis e-
lectio est, quæ facultatem ad utrum-
que partiatur, neque ratiocina-
tionis discretio, quæ velut in æqui-
librio perpendeat agendorum electum;
sed simul imperat natura, ad agen-
dum impelluntur, non excusso curiose
præcepto. Hinc tandem sincere bru-
torum libertatem, quæ nulla esse
videtur, considerantes concludere
possimus, quam stolidæ atque in-
epte leges ipsis præscribantur.

§. 8.

Quemadmodum nullæ frustra fer-
ri solent leges, sed certi ali-
cujus finis intuitu; qui ut felici
successu obtineri queat, legum
est medii vicem sustinere: ita
bestias isthoc vinculo solutas esse
exinde quoq; concludere primum
est, quod finis, quem respiciunt leges,

B

ad

ad illas haud extendi, aut ullo modo applicari possit. Canon enim scholis Philosophorum frequentatus ita audit: *ad quem finis non pertinet, ad eum neque media ad finem ipsum perducentia, referri censenda sunt.* Est autem finis legum vel ultimus vel intermedius. Ille partim celebratio sanctissimi Numinis Divini, partim salus tum civilis, tum spiritualis. *Hic vero, ut incitentur homines ad se &andas virtutes, vitia autem repudianda.* Horum aliquem ad animalia irrationalia spectare, quis sanæ mentis adfirmaverit. Haud equidem diffitemur etiam anima-
tia inservire posse, immo actu inservire celebrandis atque amplificandis laudibus divinis; vix autem inducor, ut credam, ea laudum præconiis Divinum extolle-
lere Numen subjective; sed so-
lum objective; quatenus creatu-
ris

ris rationalibus ansam hoc cultu
DEum prosequendi subministrant.
Hoc tamen non infirmatur adser-
tio nostra, siquidem hoc ipsum
quoque de entibus inanimatis
passim in Scriptura S. prædica-
tur. De fine spirituali quod be-
stiae non participant, eo minus
ambigendum est, quo magis in-
dubiæ veritatis est, saltem apud
omnes Christianos esse debet,
actum plane de brutis animanti-
bus, quam primum morte perie-
rint, nec ullam illis restitutionem
sperandam esse. Non aliquam
societatis vel generalis vel parti-
cularis propagandæ rationem, non
salutis atque incolumentatis prospí-
cientiam ad illa pertinere, cum
bruta nec cives in republica, nec
membra in societate humana con-
stituant, evidens est (1). In se-
quentibus quoque de brutorum

B 2

vir.

(1) *Conf. Wernh.* §. 8.

virtutibus differendi dabitur occasio.

CAPUT POSTERIUS.

- §. 1. Transitus ad argumenta adversariorum eorumque explicationem.
- §. 2. Primum argumentum, quo necessitatem rationis & electionis in subjecto obligationis capaci eludere consentur, refellitur.
- §. 3. Distinctionem juris ab adversariis adhibitam removet.
- §. 4. Virtutum in brutis anatomiam instituit.
- §. 5. Discrimen inter injuriam, damnum injuria datum & actionem de pauperie tradit.
- §. 6. Poenam proprie sic dictam brutis interrogari non posse evincit, pariterque genuinam quorundam scripturæ locorum explicationem adducit.
- §. 7. Rationem ex pudore & castitate quorundam animalium desuntam perstringit.

§. I.

§. I.

Sed cum acerrimos juris bestialis propugnatores nobis contradicentes habemus, sufficiente hæc positive dixisse; remotive ergo jam agendum erit, & videndum quantum pretii eorum argumentis, quibus negativam nostram sententiam refellere conantur, hocque peracto, si diis placet, communitatem juris homini cum bestiis orbi obtrudere, tribuendum sit. Ansam arripuerunt hunc locum excolendi recentiores quidam juris Doctores, (non enim jam cum illis agimus, qui rationem brutis affingunt (*m*) verbis Ulpiani, quæ ab iisdem velut privilegio infallibilitatis munita in medium

B 3

pro-

(*m*) ut *Aristoteles*, *plinius*, *Philostatus*, *Lipsius*. *Rorarius* &c.

producuntur: Nam jus istud non humani generis proprium est; sed omnium animalium, quæ in cœlo, quæ in terra, quæ in mari nascuntur &c. Non temere aliquem errorem, ne dum figurata locutionem affingendam esse afferentes; ita ut jus istud, quod in specie de naturali hominum jure accipiendum videtur, per inclinationem, appetitum & instinctum naturæ, vel quandam similitudinem ac simulacrum juris naturalis, explicari nequeat. Ne autem cœco impetu in verba magistri jurare videantur, adferunt rationes, ut ipsis apparent infallibles, quæ jam jam nobis discutiendæ manent.

§. 2.

TRITUM, quo bruta nec ratio-
nis, & proinde nec electio-
nis, multo minus obligationis ea-
pa-

pacia esse, probatum imprimis eunt, qui rerum moralium exactiorem habent notitiam, tanquam fictum ratiocinium non duntaxat irrident adversarii; verum etiam magnam absurdorum molem importare, ut ipsorum verbis utar, sibi somniant, cum ex eorum mente confundantur diversa & distingvenda subjecta, regulans & regulatum, dirigens & dirigidum. *Illi* denegare rationem impietatis, immo blasphemiae esse adstruentes, omnibus ultro prudentissimum DEum implantatorem atque legislatorem juris naturalis devenerantibus. *In hoc* autem, nimirum in subjecto dirigendo neque non impium desiderare rationem; siquidem lex est perfectissima in se & sua natura, sive intelligatur a subjecto parente, sive non. Confuse satis atque praepostere his verbis adversarii pro-

bare annuntiantur obligationis capaces esse bestias, quæ si accusatius penitentur, nullius omnino erunt efficaciarum. Quis unquam negavit summe intelligentem Deum ratione gaudere? impium certe, immo blasphemum hoc esset adserere. Ambabus quoque concedimus manibus illum esse juris naturalis auctorem & implantatorem omnemque vim obligativam una cum moralitate actionum a sanctissima ejus voluntate repertendam, nec non legem ante promulgationem sua gaude re perfectione. Quod vero propterea in subiecto, cui lex ista fertur, impium sit desiderare rationem, ridiculum est, & si unquam aliquid impium dici meretur, haec plane assertio sibi istud cognomen ceu proprio jure vindicat. Male enim concluditur ab intelligentia causæ efficientis atque perfectione causæ normativæ ad capa-

capacitatē subj.; et quæ argumentatio utiq; huic non multum dissimilis esset; baculus stat in angulo, ergo luceat; quemadmodum enim baculus tangens angulum non diem efficit; ita intelligentia legislatoris & perfectio normæ necessariò & per se non producunt capacitatem legis accipiendæ in subjecto, quæ tamen in ipso requiritur, ut cognoscere possit legislatorem, legem latam, ejusq; vinculo sese obligari ad hoc vel illud faciend. vel omissendum. Sicut operam & oleum perdere legislatorem, legem ei ponendo, qui facultate illam cognoscendi non instructus est; ita tyrannidis quoque incurrere notam, quis non videbit, qui ab eo actuum suorum exigeret rationem, penes quem solummodo fuerit rō ignorare. Ad naufragium usque urgent adversarii neminem sanum se ea occupari passurum

B 5 igno-

ignorantia, ut afferat jus respe-
ctu ignorantis definere esse jus,
ignorantia nullam præbente excu-
fationem; haud secus antem com-
paratum esse ajunt cum nostro
jure bestiali. Utut inficari non
sustineant bruta tali destitui cogni-
tione, qua jus ipsis latum, se-
cundum quod aëtus suos institue-
re debeant, scire possint; inde
tamen jus naturale respectu illo-
rum non defiturum jus, aut a-
liam recepturum naturam. Ur-
gent quidem hæc adversarii: sed
non urgent urgenda. Nemo e-
nim eo dementiæ adhuc progre-
sus est, qui jus definere esse jus
respectu ignorantis adfirmaverit,
si modo ignorantia ista præsup-
ponit cognitionem in subiecto,
sed non exultam, vel plane ne-
glectam propria subiecti culpa.
Fallunt vero atque falluntur, jus
naturale neque definere esse jus
respectu brutorum, utut faculta-
te

te jus istud cognoscendi non im-
bura sint, impie venditando. Con-
tradicitionem enim involvit, care-
re cognitione juris , & tamen
juris istius capax esse. Conce-
dimus ergo, quæ ab adversariis
proferuntur, si quæstio fuerit de
subjecto ignorantis privative tali;
si vero sermo fuerit de subje-
cto ignorantis negative tali,
seu inhabili penitus atque incapaci
omnis intelligentiæ, plane ne-
gamus atque pernegamus. Sed
neque hæc fatis apte & congrue
dicta videntur adversariorum, non
dicam curiosis magis, an vero
surdis auribus; quippe qui tam
negationi, quam privationi parti-
lem hoc casu assignant effectum;
ita enim audiunt verba, digna o-
mnino allegatione: *Neutro modo*
aliqua induci potest juris improprietas;
hujus enim natura ex solius legislatoris
placito dimetienda, & actus sub-
jectorum, quibus prescriptum, secundum

id mensurandi. Immo paulo penitus
hoc negotium panderaturus, rationis
vix desiderabit adjutorium. Ne au-
tem solus Ledererus hoc dicere
videatur adducit auctoritatem Lo-
pezii: Nam cum omnis lex profici-
scatur ex ratione & voluntate legisla-
toris, non requirit rationem subje-
ctorum. Quia si in eis ratio esset
necessaria, quoad jus maxime, ut
judicent de jure; sed hoc eis non li-
ceret, sicuti nobis in jure humano, quod
æquitatem tantum & rationem pre-
sumtam præ se fert, possum homini-
bus, qui judicare possent, non licet.
Et Paullo post; Si ergo de huma-
nis legibus jam institutis non est ju-
dicandum, quanto magis de jure na-
ture a Dño ipso promananti non erit
necessarium judicium. Cum & ratio
humana non habeat auctoritatem cir-
ca eam legem, juxta illud Pauli Rom.
II: 34. quis agnovit sensum Domi-
ni? aut quis consiliarius ejus fuit?
Quid

Quid ergo erit opus in animantibus
ut ea regantur, rationem exquirere
Quid si concederim, ut omnino con-
cedo legis cujuscunque auctorita-
tem suspensam esse ex imperio &
arbitrio legislatoris, num exinde
statim sequitur subjectum aliquod
capax esse ad cognoscendam le-
gem? num inquam, subjectum
aliquod facultate cognoscendi de-
stitutum secundum præscriptum
eius, actus suos mensurare potest?
minime gentium. Sed ne cram-
bem bis coctam recoquamus, lon-
giori superledemus horum refu-
tatione. Quod vero ad auctorita-
tem Lopezii attinet, suo, quem
commeruisse videtur loco, eandem
relinquimus, dicentes non præ-
cise rationem in subjecto requiri,
ut judicare atque disquirere que-
at in leges earumque causas;
sed imprimis, ut accurate legem
quoad omnes ejus partes cogno-
scat,

scat, se vinculis ejus non solutum
esse animadvertis, adeoque actionum
suarum turpitudinem ac ho-
nestatem ex illius convenientia
vel convenientia dijudicare queat.
Quod si discernere nequeat ob de-
fectum rationis, incassum ei le-
gem ferri quis non videre potest?

§. 3.

POrro licet principia actionum
humanarum de bestiis prædicare
sit rotunda quadratis permuttere
velle, eamq; nullis arietibus labo-
factari posse veritatem videant ad-
versarii; tamen ne facilem & sine
Marte triumphum veritati conce-
dere videantur ad probandum a-
ctus brutorum recte pronunciandos
esse justos, inter actus justi habili-
tatem & quidditatem distingvunt:
ad illam quidem, sed ad hanc nun-
quam ista principia necessaria
credentes, quod heic sufficiat a-
ctus

Actus secundum præscriptum juris a
DEO implantati edi. Verum nul-
lum refugium hac distinctione sibi
polliceri possunt adversarii; siqui-
dem & nos concedimus principia
actionum humanarum, scil. Sci-
entiam, voluntatem, consultatio-
nem & electionem ad habilitatem
actionis justæ requiri, solamq; re-
lationem ad normam legis quiddi-
tatem ejus actionis constituere;
interea tamen dicimus solas istas
actiones, quæ ex prædictis princi-
piis proficiuntur, habiles esse
ad induendam illam quidditatem;
non vero quascunq;. Quidditas e-
nim actus justi præsupponit habili-
tatem; neq; illa actio est justa, nisi
illa in antecessum fuerit habilis ad
recipiendam justitiam. Hac cum
destituantur bestiarum actus etiam
ex adversariorum sententia, mini-
me sunt justi pronunciandi. Sed
clamitant dissentientes hac ratione
tolli

tolli differentiam actuum creatura-
rum rationalium & irrationalium,
cum ad illarum actuum justitiam
dicta prærequirantur principia;
harum actus sufficit tantummodo
contulisse ad præscriptum juris.
Sed unde jus istud in brutis? a
D^Eone est implantatum? verum
non potuit fieri, uti nec debuit, ut
D^Eus tale jus bestiis imponeret:
quia prorsus inhabiles sunt ad in-
telligendum jus istud, actusq; suos
ad normam ejus dirigendum. A-
junt adversarii; *jus naturale dirigere*
actus brutorum per modum inclinatio-
nis naturalis, dum D^Eus occultas
quasdam proprietates iis & institutus
largitus est, citra judicium & voluntati-
tem ad conseruationem specierum, tan-
quam societas. Num quid absurdius
dici potest, quam citra judicium
& voluntatem observare jus? Sed
quoniam ipsi adversarii per suum
jus bestiale nihil aliud intelligere
viden-

videntur, quam inclinationem atq;
instinctum naturalem, concedimus
ipsis argumentum; negamus autem
istum instinctum proprie juris no-
mine venire posse; sed æquivoce
& valde improprie, quod jam
a nobis observatum est (*n*). Negat
enim lex naturalis regulatur per conve-
nientiam ad inclinationem & instinctum
naturalem; sed ad naturam rationalem;
quomobrem illa convenientia quoq;
ad distinguendam legem naturæ
admodum inepta est atq; aliena.
Cum itaq; instinctum naturalem se-
cundum quem bruta agere dicun-
tur, nemo proprie jus naturæ nunca
cupaverit, patet exinde nullam mo-
ralitatem eorum actibus compete-
re, pro ut qualitates morales non
nisi respective ad normam dantur;
sed solummodo quandam in suo
genere perfectionem, quam quæli-
bet species sibi debitam, a Creatore
accepere. Reponunt dissentientes,

C

banc

(*n*) in §. 2. c. prior.

banc perfectionem nihil commercii habere cum notitiis brutorum cordibus insculptis, quarum vigore bruta actus edere justos affirmant, quod appetitui illis informato convenienter licitum ab illico & bonum a malo discernant. Aut ex ratione, aut revelatione volunt antagonistæ notitias brutorum cordibus insculptas probare? neutrum aliis quisquam affirmare sustinebit. Non illud, quia bruta nulla prudentia, ulla nedum conscientia præeunte operantur, sed semper uniformiter agunt. Non hoc, quia nusquam docet scriptura talern notitiam illorum cordibus inscriptam esse, quod tamen clare pronunciat de notitia cordibus hominum insita. Falso ergo, bruta quoque licitum ab illico, & bonum a malo discerne-re posse existimant, tantoque magis cum rei veritate pugnare censenda est ista opinio, quanto verius

rius in verbis supra allegatis ab
adversariis dictum: DEum brutis
largitum esse instinctum *citra ju-*
dicium & voluntatem ad conservatio-
nem specierum tanquam societatis.

§. 4.

NEc minoris ponderis funda-
menta suo juri bestiali frigi-
dis jam rationibus adserto pro-
mittunt adversarii ex virtutibus,
quas vocant, quorundam anima-
lium, utpote fidelitate elephantum,
Philosophia camelorum, ciconiæ gra-
titudine, turturis castitate, ser-
pentis prudentia, leonis fortitu-
dine &c. quæ ipsis tanti esse vi-
dentur, ut hominibus si non stu-
porem, certe admirationem sin-
gularem injicere atque nullo mo-
do instinctui naturali assignari
posse existiment. Verum enim
vero accuratius virtutum pensata
indole, earundemque ad sub-

C 2 je.

jectum & objectum habitudine,
corruit hoc quoque fundamen-
tum. Virtutes omnino præsup-
ponunt legem, & formaliter con-
sistunt non solum in conformita-
te externa cum illa ; verum et-
iam requirunt intimum & per-
petuum animi propositum confor-
miter agendi cum voluntate le-
gislatoris. Immo versantur vir-
tutes & vicia, circa honestum &
inhonestum. Illud vero in agen-
do discrimen cognoscere quando-
quidem nonnisi animæ rationalis
proprium sit : quid, quælo, le-
ges brutis profundunt, quæ nec me-
liora nec pejora fieri possunt ?
actus ergo, qui se in brutis ex-
ferunt rectius virtutum simula-
crum ac umbram dixeris, quam
virtutes , cum Aristotele (o). Hinc
Seneca (p) hominem omnia cum bru-

16

(o) in lib. 8. hist. anim, c. 1.

(p) in Epist. 77.

zo habere communia, praeter solam virtutem & rectam rationem ait. Interim distingvi quoque potest, judee Wernhero, inter materiale & formale virtutum (eadem & vitiorum ratio est) istud, quod mere physicum quid est, animalibus ob appetitum sensitivum & facultatem locomotivam, qua possunt, concedimus; hoc vero ob deficientem legis, que sola moralitatem actionibus imponit, cognitionem & agendi libertatem penitus denegamus (q). Regerunt adversarii, bruta vix aliter agere, vix aliquid addicere posse, si statuantur actiones, quas edunt, promanare ex instinctu naturali. Verum ista quorundam animalium docilitas necessario non presupponit jus aliquod, neque rationem; cum psittaci picæque, ut ut verba edant voce articulata, nunquam tamen constantibus signis parere facere queant se apprehendere.

C 3

re,

(q) in Diff. cit. §. II.

re, quæ pronunciant, nedum no-
strum loquendi modum assequi.

§. 5.

UT injuriam committere bru-
ta probent dissentientes, pro-
vocant ad actionem de pau-
perie, qua dominus obligatur, ut
vel quadrupedem noxæ tradat,
vel damnum illatum resarciat.
Confusio heic oritur ex promi-
scua vocabulorum, injuriæ, damni
injuria dati & damni a quadru-
pede dati sive actionis de paupe-
rie usurpatione, inter quæ tamen
notabile discrimen observandum
est adeo, ut *injuria illa actio pro-*
prie dicatur, quæ ex proaereſi, seu
malevolo animo, perversaque voluntate
(af berådt mod och wredes wilja)
alteri nocendi proficietur. Damnum
vero injuria datum est delictum, quo
alicui contra jus, dolo vel culpa, infer-
tur detrimentum. Et sic distinguitur

a damno a quadrupede dato, quod proprie dicitur pauperies (r). Hanc actionem noxalem de pauperie ita describit Gaudardus (s): quod *leso* competit *adversus dominum ex pauperie*, vel *damno a quadrupede dato*, *ad id*, ut *damnum resarciat, vel quadrupedem noxae dedat.* Injuriati proprie dictam bestias non posse facere etiam adversarii fateri coguntur, omni tamen actione injuriosa easdem privare non audent, cum in brutis, quamvis sensu reæ rationis careant, rationi æquipollens quid reperiatur. Quid dicant quidve sentiant per æquipollens quid rationi, non dum intelligo. nisi forsitan notitias brutorum cordibus insculptas; sed quas in antecedentibus prorsus rejecimus. Sic etiam negamus bestias *damnum* *injuria* *datum* *facere* *posse*, cum

C 4

&

(r) *Gaud.* in *m. J. R. lib. 4. T. 3.*(s) in *m. J. R. l. 4. T. 9.*

& hoc jus intentionemque præ-supponat. Actionem autem no-xalem de pauperie facientem non committere injuriam affirmamus, pollicem adlertioni nostræ præ-bente jure cum naturali tum ci-vili.

§. 6.

ATQUE sic quidem coram ratio-nis tribunali temerariæ conten-tionis condemnati adversarii, ne prælio uno alterove victi cauſſæ & armorum iustitia penitus exci-disse videantur, ad divina oracu-la, seu sacram anchoram confu-giunt, Mosen, quamvis invitum in partes suas adducentes. Loca autem, quibus suæ sententiæ ve-lificari Sacrum Scriptorem arbi-trantur, sunt præsertim Gen. 9: 5. Exod. 21: 28. Lev. 20: 15, 16. ex qui-bus concludunt: in quæcunque pœ-na

na cadit, in illa etiam culpam ca-
dere censendum est, atque in bru-
ta pœna cadit, ex effato Scriptu-
ræ, ergo; ratio consequentiæ est:
quia pœna & culpa sunt relata,
quorum uno posito, ponitur &
alterum. Ad hoc argumentum
priusquam directe respondeamus,
proficuum erit singula percurrere
loca. Primi loci verba ita au-
diunt: *maxime vero sanguinem ve-
strum, qui animabus vestris est, que-
ram (ultor ejus;) de manu omnis be-
stie queram illum: in primis de manu
hominis; de manu viri fratris ipsius
(etiam,) queram animam hominis.*
Non imus inficias vocem *תְּבוּנָה*
ut alibi in scriptura, sic heic lo-
ci denotare bestiam, inde tamen
statim non sequitur, bestias ibidem
tanquam necis caussas efficientes
principales, sed potius instrumen-
tales æstimandas esse, adeo ut *Deus
velit ulcisci necem homini illatam non*

manu aut telo solum; sed & instigata in ipsum feroci bestia, siquidem ante diluvium impi aluerint bestias, quarum ope alios sibi non obtemperantes lacerarint, ita enim quidam interpretari solent hunc locum teste Putendorfio (t). Posito, quod DEus velit requirere sanguinem hominis ex manu bestiæ velut causæ in effectum proxime & immediate influentis, non tamen inde argumentari licet ad pœnam proprie sic dictam; cum videatur DEus hoc ipso præprimis excellentiam creaturæ rationalis, nec non curam & amorem, quo eandem prosequatur, significare voluisse, ad deterrendum homines, ne æqualium sanguine manus suas invicem imbuerent. Quod si enim DEus sanguinem humanū ex manu bestiæ requirere voluit, quantum magis e manu hominis hominem interficiens eundem exposcet, interprete bea-

(t) in J. N. & G. l. 2. c. 3. §. 3.

beato Luthero (u), qui isthang cædis prohibitionem ad quintum Decalogi præceptum restringit. *Comenode quoque locus hic obscurus*, ut docet Oleaster (x) per legem, cuius in adducto Exodi loco mentio sit, explicatur; & que modum requirendi sanguinem hominis ex manu bestiæ manifestat. Mandat enim DEus ibi bovem ad mortem usque lapidibus obrui, qui homini mortem cornibus acceleraverit, non ideo, quod peccare possint bruta, quemadmodum stulte ex his pœnis colligit Socinus; sed propter horrorem facti. Bruta propter hominem facta sunt, & propter hominem destrui possunt, nempe vel ad hominis pœnam, vel ad emendationem, vel ad præcautionem in futurum. Sie & dominum bovis mulctari voluit, & homines monere se non parciturum ho-

mis-

(u) in Com. in b. l.

(x) Apud Polam in S. C.

micidis, ut commentantur in hunc locum Rivetus & Lyra (y) Tertium ex capite Lev. 20:15, 16. argumentum desumunt adversarii, ex eo concludentes pœnarum capacia esse bruta, quod ob concubitum cum hominibus neci adjudicentur. Sed hoc non ideo factum censemus, quod bruta jus aliquod violaverint, aut contra notitias insculptas peccaverint; Verum ne alios aspectu suo ad præpostoram libidinem provocent, neque ullum, quo indigna horrendi sceleris memoria & catrix refricetur, superfit vestigium, quemadmodum Lyra & Menoch. docent (z). His addit Philo Judæus (a): ne pariat abominandum aliquid, qualia nasei solent ex hujusmodi piaculis detestabilibus, quæ nemo honestus ferat in suis possessionibus.

Quid

(y) apud Polym.

(z) apud Pol. (a) cit. in Puf. J. N.

& G. l. 2. c. 3. §. 3.

Quid quod jure Divino etiam præceptū inveniamus ob idolatriā, cui justamē nemo temere bruta capacia esse dixerit, ore gladii interficienda esse (b), nimirum ad significandam deformitatem facti & sceleris atrocitatem. Ex istis autem constare existimamus pœnam formaliter sic dictam in bruta non cadere, cum pœna non nisi illis irrogari possit, venes quem stetit, quo minus contra legem ageret; sed tantummodo pœnam materialiter, quatenus omnis passio dolorifica ob illam communitatem, qnam habet cum adficiōne pœnali pœna dici potest (c)(d) Limitata ergo majori in Syllogismo, corruit minor.

§. 7.

DEnique eorum neque subscriben-

(b) Deut.. 13. 15. 1 Sam. 15: 3.

(c) Ofiand. in Grot. l. I. c. 1. Thel. II.

(d) Conf. Wernb. Diff. cit.

dum sententiæ vel potius nugis, qui casto quodam horrore atque pudore naturali animalia a commixtione venerea cum parentibus & hos cum iis, qui ex se natii sunt, abhorrere non duntaxat ipsi existimant; sed & aliis pro vero & infallibili venditant; Grotium ipsum hac superstitione infectum animadvertisimus (e), qui in confirmationem suæ assertio-
nis citat Arnobium & Aristote-
lis historiam animantium nonam,
ubi mentio fit camelii cujusdam
& equi Scythici. Quidquid sit
de his & aliis ejusmodi narratio-
nibus, pro fabula communiter ha-
bent eruditii, & a veteribus ideo
excogitatas, ut laxas impudico-
rum cupiditates & effrenam la-
scivientium libidinem, ob oculos
ipsis posita continentia animalium
irrationalium, cohicerent. Quo-
tidia-

(e) Lib. 2. c. 5. §. 12. n. 5.

tidiana enim experientia aliud daret & ex diametro his pigmentis contrariatur; fiba nimurum non patris, neque eqvuleo matris suæ dedignante coitum. Sed ponamus omnia in universum animalia ab ea, que inter homines impura atque incestuosa habetur, commixtione abstinere. Id miram quidem instinctus naturalis vim & efficaciam, minus autem distinctam, immo ne quidem confusam, liciti ac illiciti, turpis ac honesti cognitionem argueret (f): Distinguendum ergo plane cum Osiand. existimamus inter pudorem natum ex facto simpliciter, & natum ex cognitione facti & legis simul, in quam peccatum fuit. Posito prius locum habere in bestiis, non tamen posterius, quod indicium est rationis. Posito etiam illum pudorem oboriri ex comparatione facti ad aliquod, cui disconvenit, non tamen illud erit lex

natis.

(f) Wernh. in cit. Diff. §. 12.

naturae, quasi illa quoque in brutis
locum habeat, sed instinctus quidam
naturalis, cui talis actum
contravenire censeri potest (g).

(g) in Com. Grot. lib. I. c. I. T. XI.

Sit Nomen DEI benedictum
in Secula.



Fågnad /
Då
CANDIDATEN,
Herr JOHAN NYLANDER
Med beröm/
Andra gången disputerade:

Wi minna än osz på / den
svåra motgångs tiden/
Då ingen Pallas wän hår blef i
Abo liden:
Ty öfver Pindi full war iatt est
mordiskt svård.
Apollos söner från desz tiåra Tem-
pe flydde:
The wijza Musers hoop sin egen bo-
ning flydde:
Var icke sällsamt då at blifwa
snäll och lärd?
Vij ha sell/ Gudi los/ vår Pindus
återvunnit;

D

Och

Och til en bättre tijd vår swärhet
trwinga hunnit;
At åter dryper must der wijsheit
fordom bodt:
Gud låtit Lärda Män med mytta
til os komma;
Wijshetens ådla trå stå i sin fulla
blominna/
Och Lagrar rota sig der de förr
liusligt gredt.
Skul ej de sagra blad vår hog och
ögon fägna?
Der himlen så begynt ett wijsheits
trä at hängna:
Nog lijk en ny-bläckt frucht på
gamla Arons staf.
Skul och en wijsheits wan ej bli en
Lager vårdig?
Den genom tråaen slijt har gjordt
sig flinck och färdig/
At med en fullan sold för muddan
lösas af.
Jo friligt lår det bli i årans tempel
Kriswit;
At man NYLANDFR har de gröna
lösven gifvit/
Som/

Som/ efter wredens flood/ han
förfst uppleta sick.

Må ej vårt frija blod i alla ådrar
springa?

När en har funnat os det glade bod-
skap bringa/

At på vår Helicon alt är igen i
skick.

Vårt Österbothn lär / jag tror/
snart kunna vifwas;

At så des egendom här altid welat
trifwas;

At ock des wittra Män bland
andra Åbo pryd.

Låt gå/ som I begynt på edra sty-
ken drifwa/

At I och så bland dem Eht naim
med hever skrifwa;

Så skal ej fåsångt bli at I Ehr
hierna brytt.

Ehr snällhet må jag ej med fåsång
ord berömma:

Wij särskilt nog likväl ibland os
der om dömma.

Hwad

Hwad framsleg de ha gjordt som
dylit' wågar gådt.
Så blif/NYLANDER, nu hos E-
dra Förmåu fånder;
Saint dit/ Ehr GUD har tänkt/
med heder wacker sänder:
Så har Ehr snällhet då til lööu
nog åhro fått.

JOH. GEZELIUS, L.F.
Österbothni.

GLARISSIMO PHILOSOPHIÆ
CANDIDATO,
Dn.JOHANNI NYLANDRO.

IN peruestigandis Philosophiæ arca-
nis, a vulgari mortalium cogni-
tione remotioribus, interioribusque ejus
recessibus indagandis, perscrutandisque
mul-

multum magna desudarunt ingenia ;
alii variis præjudiciis occupati , alii da-
mnoſo innovandi ſtudio laborantes .
Hinc ille difficultates , quibuscum ſem-
per luctata eſt Philosophia ; hinc Phi-
losophorum diſſentioñes & tot ſen-
tiarum diuertia emanarunt . Ut ar-
duum , ita vexatissimum eſſe , quod Tu ,
Clariffime Dn. Candidate , in præfen-
tia elegisti argumentum , non ignorar-
bit , qui vel prima Philosophie limina
ſalutaverit . Tanto igitur certiorem a-
pud cordatores Tibi pollicearis gratiam ,
quanto probatiora & ſaniora ſunt , quaे
in erudita hac diſſertatione . Mihi vero , quaे Tecum interce-
dit familiaritas , magnumque meum
in Te ſtudium , virtute & eruditione ,
amico in Te fœdere conjunctis , exci-
tatum eas diuinjuxere partes , ut hunc
feliciffimi ingenii Tui fætum , in pu-
blicam jam jam proditurum lucem ,
gratulabunda prosequeret voce . Hoc
vero animi potius candore , quam ver-
borum pompa præſtare cupio ; ſincere

bovens: dignetur Divina providentia,
unica rerum humanarum moderatrix,
Tibi, laboribus Academicis rite exant-
tatis, eam in Civitate, cuius originem
ex sanctiori deducis principio ad signas
re stationem, in qua ad summi Nu-
minis gloriam, Reipublicæ utilitatem,
Tuum ipsius commodum & Tuorum gau-
dium prospere ac fideliter permaneas; donec
eandem cum aeterna illa Civitate bea-
tissime commutaveris.

Aboæ, d. 8.

HENR. HELSINGIUS.

Jun. A: 1724.

Wiburg. G.F.

Eidem.

Cilm concessa feris sit nulla potentia
mentis,
Qua possint operis rite tenere mo-
dum :

Lis

*Libera cum pariter non sit natura fe-
rina;*

*Hinc cæco nisa, torva Leæna ruit.
Inter S armatas, illic furit inter in-
ermes,*

*Bestia, sic damnis mutua damna re-
fert.*

*Non metuit leges justas, nec Judicis
iram.*

*Ausibus in propriis vita Salusque
sibi.*

*Jura negata doces brutis beic, Clare
NTLANDER,*

*Hinc titulos claros, jam tibi mufa
parat.*

*Lusit,
ERICUS CAJANUS, fil.
O. Bothn.*

Eidem.

*Jura negare feris novit, qui
jura retexit;*

Nam

Nam stupidis leges fas ra-
tioq; negant.
Non capiunt juris, credas,
moderamina tales,
Nulla quibus virtus nilq;
pudoris int̄st.
Afferis hoc multis, nimium
dilecte Nylander,
Ergo Tuum cingent laurea
serta caput.

Laurent. Hågginan/
Both.

